



SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

Deum magis timendum esse quàm homines. cap. cxvi.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

1. Reg. 11. **D**ixerunt omnes viri Iabes ad Naas, Habeto nos foederatos, & seruiemus tibi. Et respondit Naas Ammonites, In hoc feriam vobiscum foedus, vt eruam omnium vestrum oculos dextros, ponamque vos opprobrium in vniuerso Israël. Et dixerant viri Iabes, Concede nobis septem dies, vt mittamus nuncios ad vniuersos terminos Israël: & si non fuerit qui defendat nos, egrediemur ad te.

22. **A**it rex emissarius qui circumstabant eum, Conuertimini, & interficite sacerdotes Domini: nam manus eorum cum Dauid est, scientes quod fugisset, & non indicauerunt mihi.

2. Reg. 13. **A**pprehendit Amnon sororem suam, & ait, Veni, cuba mecum, soror mea. Quae respondit, Noli frater mi, noli opprimere me: neque enim hoc fas est in Israël. Noluit autem acquiescere precibus eius, sed praeualens viribus, oppressit eam, & cubauit cum ea. Et exosam eam habuit Amnon odio magno nimis: ita vt odium esset maius quo oderat eam, amore quo antè dilexerat. Dixitque ei Amnon, Surge & vade. Quae respondit ei, Maius est hoc malum quod nunc agis aduersum me, quam quod antè fecisti, expellens me. Et noluit audire eam: sed vocato puero qui ministrabat ei, dixit, Eiice hanc à me foras: & claude ostium post te.

ibid. **P**raecipit Absalom pueris suis, dicens, Obseruate cum temulentus fuerit Amnon vino, & dixerit vobis, percutite eum & interficite: & nolite timere: ego enim sum qui praecipio vobis. Fecerunt ergo pueri Absalom aduersus Amnon, sicut praeeperat eis Absalom.

Prou. 30. **P**er tria mouetur terra, & quartum non potest sustinere: Per seruum, cum regnauerit: per stultum, cum saturatus fuerit cibo: per odiosam mulierem, cum in matrimonio fuerit assumpta: & per ancillam, cum fuerit haeres dominae suae.

De Christianis, & Gentium Ecclesia. CAP. CXV.

ose. 2. **V**ocabo non populum meum populum meum, & non dilectam dilectam.

isa. 35. **L**atabitur deserta & inuia, & exultabit solitudo, & florebunt sicut lilium. Germinans germinabit. Dederunt in deserto aquam & fluuios, ad potandum genus meum electum, & populum meum quem acquisiui, vt virtutes meas enarraret.

65. **I**nuentus sum à non quaerentibus me, palam apparui his qui me non interrogabant. Dixi, Ecce ego, ad gentem quae non inuocabat nomen meum. Latere sterilis quae non parit, decata laudem quae non pariebat: quoniam multi filij desertae, magis quam eius quae habet virum. Seruos suos vocabit nomine nouo, quod benedicetur in terra. Benedicent enim Deum verum. Benedicet me populus meus, quem elegi vt enarraret virtutes meas.

1. Pet. 2. **V**os autem genus electum, regale sacerdotium, gens sancta, populus acquisitionis: vt virtutes annuncietis eius, qui de tenebris vos vocauit in admirabile lumen suum. Qui aliquando non populus, nunc autem populus Dei: qui non consecutus misericordiam, nunc autem misericordiam consecuti.

1. Io. 3. **C**harissimi, nunc filij Dei sumus: & nondum apparuit quid erimus. Scimus autem quia cum apparuerit, similes ei erimus, quia videbimus eum sicut est.

querti. *Christianus sui ipsius potestatem non habet: sed Deo vacat.
Christiani munus nihil aliud est, quam mortem meditari.
Prorsus Christianus quietis & tranquillitatis, ac pacis amicus & familiaris est.
Christiani hominis non habitum, sed animi affectum comproba.*

Deum magis timendum esse quam homines. CAP. CXVI.

Timuerunt



A MVERVNT obstetrices Deū, & non fecerunt iuxta præceptum regis Ægypti, sed conferuabant mares. *Exod. 1.*

Respondit Balaam, Si dederit mihi Balac plenam domum suam argenti & auri, non potero immutare verbum Domini Dei mei, vt vel plus, vel minus loquar. *Num. 22.*

Dixit Amasias ad hominem Dei, Quid fiet de centum talentis quæ dedi militibus Israël? Et respondit ei homo Dei,

Habet Dominus vnde tibi dare possit multò his plura.

Cum rex Amasias Israëlitas pretio conduxisset, ipsiſque centum argenti talenta dedisset, accedens Propheta, veruit eum conductos milites ad belli societatem accipere. Atque Damasc. B contemptis centum talentis Deo paruit: eique obedientia victoriam conciliauit.

Dixerunt senes ad Susannam: Ecce ostia pomarij clausa sunt, & nemo nos videt, & nos in concupiscentia tui sumus: quam ob rem assentire nobis, & commiscere nobiscum. Quòd si nolueris, dicemus contra te testimonium, quòd fuerit tecum iuuenis, & ob hanc causam emiseris puellas abs te. Ingemuit Susanna, & ait, Angustia mihi sunt vndique. Si enim hoc egero, mors mihi est: si autem non egero, non effugiam manus vestras. Sed melius est mihi absque opere incidere in manus vestras, quàm peccare in conspectu Domini. *Dan. 13.*

Respondunt tres pueri regi, dicentes, Non oportet nos de hac re respondere tibi. Ecce enim Deus noster, quem colimus, potest nos eripere de camino ignis ardentis, & de manibus tuis, ò rex, liberare. Quòd si noluerit, notum sit tibi quia Deos tuos non colimus, & statuam auream, quam statuisti, non adoramus. *Mar. 10.*

Nolite timere eos qui occidunt corpus, animam autem non possunt occidere. Timete autem potius eum, qui potest animam & corpus perdere in gehennam.

Respondens Petrus & reliqui Apostoli, dixerunt: Obedire oportet Deo magis quàm hominibus. *Act. 5.*

Modò enim hominibus suadeo an Deo? aut quæro hominibus placere? Si adhuc hominibus placerem, Christi seruus non essem. *Gal. 1.*

De mendacio & calumnia. CAP. CXVII.

D OCAVIT ad se homines domus suæ, & ait ad eos: En introduxit virum Hebræum, vt illuderet mihi: ingressus est ad me, vt coiret mecum. Cùmque ego succlamassem, & audisset vocem meam, reliquit pallium quod tenebam, & fugit foras. *Gen. 39.*

Non mentiemini, neque calumniabitur vnusquisque proximum suum. *Leuit. 19.*

Non falsum testimonium dices aduersus proximum tuum. Si steterit testis mendax contra hominè, accusans eum impietatis, stabunt ambo quorù causa est, ante Dominum in conspectu sacerdotum & iudicum qui fuerint in diebus illis. Cùmque diligentissimè perscrutates inuenerint falsum testè dixisse còtra fratrem suum mendaciù, reddet ei sicut fratri suo facere cogitauit, & auferes malù de medio tui: vt audientes ceteri timorem habeant, & nequaquam talia audeant facere. *Deut. 5. 19.*

Prædicauerunt ieiunium, & federe fecerunt Naboth inter primos populi. Et adductis duobus filiis diaboli, fecerunt eos federe contra eum. At illi scilicet, vt viri diabolici, dixerunt testimonium contra eum coram multitudine. Benedixit Naboth Deum, & regem: quamobrem eduxerunt eum extra ciuitatem, & lapidibus interfecerunt. *3. Reg. 21.*

Perdes omnes qui loquuntur mendaciù. Disperdet Dominus vniuersa labia dolosa. Qui loquitur iniqua, non direxit in còspectu oculorum meorum. *Psal. 5. 11.*

Qui nititur mendacijs, hic pascit ventos: idem autem ipse sequitur aues volantes. Abominatio Domino labia mendacia. Qui congregat thesauros lingua mendacij, vanus & excors est, & impingetur ad laqueos mortis. Lingua mendax odit veritatem. Abominabilia coram Deo sunt labia mendacia. Sermo *Pro. 10. 21.*